

Broj: T20 0 KTRZ 0008560 15
Sarajevo, 22.01.2025. godine

SUD BOSNE I HERCEGOVINE
Sudiji za prethodno saslušanje

Na osnovu odredbi člana 35. stav 2. tačka i), člana 226. stav 1. i člana 227.
Zakona o krivičnom postupku Bosne i Hercegovine (ZKP BiH), podižem

O P T U Ž N I C U

Protiv:

■ **JEVTIĆ MILANA**, ■ rođen ■
1961. godine, u mjestu Grabovica ■
■
■
■
■
■
■
■
■

■ **ČALMIĆ RAJKA**, ■ rođen
■ 1952. godine, u mjestu Raškovići, ■
■
■
■
■

■ **PERIŠIĆ OSTOJE**, ■
rođen - ■ 1958. godine u Vlasenici ■
■
■

[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
MILANOVIĆ DEJANA, zv. „Rogonja“ rođen – 1946. godine u
Milićima [REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]

Zbog postojanja osnovane sumnje, da su

Za vrijeme širokog i sistematičnog napada koji su u periodu od 6. jula do kraja mjeseca augusta 1995. godine preduzimali Vojska Republike Srpske i Ministarstvo unutrašnjih poslova Republike Srpske, usmjerenog protiv civilnog bošnjačkog stanovništva, Zaštićene zone UN Srebrenica, **Milan Jevtić** u svojstvu komandanta 1. Bataljona 1. Miličke lake pješadijske brigade VRS (1. Milička lpbr VRS), a **Čalmić Rajko**, pripadnik 1. Bataljona 1. Miličke lake pješadijske brigade VRS, **Ostoja Perišić** pripadnik 1. Miličke lake pješadijske brigade VRS, **Milanović Dejan** zv. „Rogonja“, pripadnik 1. Miličke lake pješadijske brigade VRS, znajući za takav napad i da njihove radnje čine dio tog napada, počinili progon bošnjačkog civilnog stanovništva na političkoj, nacionalnoj, kulturnoj, etničkoj i vjerskoj osnovi, vršeći lišenja života osoba, tako da je do 40 000 civila Bošnjaka uklonjeno iz Zaštićene zone UN Srebrenica a više od 8000 muškaraca Bošnjaka i dječaka ubijeno, tako što su:

1. Jevtić Milan, Čalmić Rajko i Perišić Ostoja, zajedno

Tačno neutvrđenog dana u julu 1995. godine, komadant 1. pb. 1. Miličke lpbr **Jevtić Milan** naredio [REDACTED] da se 31 zarobljeni civil bošnjačke

nacionalnosti sprovede u mjesto Jasikovača i da se isti strijeljaju, potom je [REDACTED] [REDACTED] (preminuo) postupajući po naredbi Milana Jevtića naredio prisutnim vojnicima **Čalmić Rajku, Ostoja Perišiću,** [REDACTED] i drugim pripadnicima 1. Miličke lpbr VRS da sprovedu zarobljene civile bošnjačke nacionalnosti iz mjesta Brežanci općina Bratunac, gdje su bili prethodno dovedeni nakon zarobljavanja od strane VRS, do mjesta Jasikovača, općina Bratunac, da bi dolaskom u mjesto Jasikovača, **Čalmić Rajko i Ostoja Perišić,** zajedno sa [REDACTED] i drugim pripadnicima 1. Miličke lpbr VRS, a po naredbi komadanta 1.pb 1. Miličke lpbr, Jevtić Milana, zajedno, pucanjem iz vatrenog oružja, u namjeri da ih liše života, po prijekom postupku pogubili 31 zarobljenog civila bošnjačke nacionalnosti osim [REDACTED] [REDACTED] koji je uspio pobjeći, i to: [REDACTED]

[REDACTED] a nakon što su obustavili zajedničko pucanje iz vatrenog naoružanja prema civilnim osobama, Perišić Ostoja nakon što su se čuli jauci pojedinih preživjelih osoba, istima prišao i pucao u njih iz neposredne blizine iz pištolja kako ne bi bilo preživjelih, a potom

je *Ostoja Perišić* beživotna tijela ubijenih posuo benzinom i zapalio, čiji posmrtni ostaci su naknadno pronađeni i identifikovani,

2. Milanović Dejan, sam

Tačno neutvrđenog datuma u julu mjesecu 1995. godine u mjestu Brežanci, **Milanović Dejan** obavljajući dužnost vojnika-kuhara, u objektu koji je pripadao 1. Bataljonu 1. Milićke lpbr VRS, kojim bataljonom je komandovao *Jevtić Milan*, lišio života jednog civila zarobljenog muškarca Bošnjačke nacionalnosti kojeg su pripadnici Interventnog voda 1. Bataljona zarobili i doveli do kuhinje, te nakon pokušaja bijega pucali u njega i istog ranili, pa nakon što se isti ranjen ponovo predao, sa namjerom da ga liši života odveo u pravcu šume nedaleko od objekta gdje je bila kuhinja i lišio ga života pucanjem iz vatrenog oružja, a njegovo tijelo ostavio na licu mjesta,

Dakle, Jevtić Milan, Čalmić Rajko, Perišić Ostoja i Milanović Dejan u okviru široko rasprostranjenog i sistematičnog napada usmjerenog protiv civilnog bošnjačkog stanovništva Zaštićene enklave Srebrenica i Žepa, znajući za takav napad i da njihove radnje čine dio tog napada, postupajući sa namjerom da diskriminiraju grupu Bošnjaka, vršili progon na nacionalnoj, etničkoj i vjerskoj osnovi, lišavanjem života zarobljenih muškaraca Bošnjaka,

Čime su učinili

- **Jevtić Milan, Čalmić Rajko i Perišić Ostoja** radnjama opisanim u tački 1., krivično djelo Zločini protiv čovječnosti iz člana 172. stav 1., tačka h), u vezi sa tačkom a) i k) Krivičnog zakona Bosne i Hercegovine (KZ BiH), sve u vezi sa članom 29. i 180. stav 1. istog Zakona,

- **Milanović Dejan** radnjama opisanim u tački 2., krivično djelo Zločini protiv čovječnosti iz člana 172. stav 1. tačka h), u vezi sa tačkom a) i k) Krivičnog zakona Bosne i Hercegovine (KZ BiH), sve u vezi sa članom 180. stav 1. istog Zakona;

**TUŽILAŠTVO/TUŽITELJSTVO BiH
TUŽITELJI**